

48. Pellionum : hinc DEI Matrem ; inde Sanctum Rochum.  
 49. Vitriiorum : hinc DEUM Patrem ; inde S. Lucam.  
 50. Aurifabrorum : sine vexillo, sed præferuntur iis aurati bini calices cum pateris in decoloratis perticis.

Præter hos, quos suis attribuimus tribibus, alii adhuc sunt in Civitate ista sive Typographiam, sive Pictoram, Statuariam, Sculpturiam, sive Architecturam civilem & militarem, sive alias artes desideres, Artifices quām plurimi, quos, ne longum nimis texamus Catalogum, consulto prætermisimus, cūm constet in una hac Urbe tot diversarum artium posse reperi peritissimos Magistros, quot artes sunt excoigitabiles, ut vel in hac gloria nulli quantumvis celeberrimæ per Orbem Civitati Viennam palmam concedere cum veritate fateri possimus.

## TITULUS XI.

*Gazophylacium Cæsar is, aliisque  
pretiosa.*

**O**PES, quæ felicitatis humanæ pars sunt maxima, in una hac Urbe, & amplas esse, & pretiosas liquet; metiri eas, qui appetit, incolarum multitudinem, mercimoniorum

rum frequentiam, census amplissimos, vestigia-  
lia opulenta, privatorum stipendia, quæltus,  
munia, & sumptuosum vivendi genus perpen-  
dat; quæ cum in comperto sint omnibus, ipsum  
**Augustissimi Cæsaris Gazophylacium** hic rese-  
rare placuit, in quo uno, quod aut rarum à pre-  
tio, aut decorum ab elegantia, aut ab arte, vel  
natura commendatum vidit orbis, brevi veluti  
compendio conclusum reperies. Pro inquilino  
hoc tam pretioso destinatum in Aula Cæsaris  
amplissimum & elegans ejus habitaculum, lon-  
gitudine passuum duorum, & sexaginta, latitu-  
dine septem: hic ordine decoro, mole excelsâ  
complures exquisiti operis visuntur cistæ; suo  
omnes thesauro ditatæ, cuius singula recensere  
cimelia cum pagellæ præsentis non sustineant  
angustiæ, ea hic solùm commemorare sufficiat,  
quæ vel materiæ, vel artis præstantiâ cæteris di-  
gniora spectantium oculos in sui rapiunt admira-  
tionem.

Ab auro metalloruni pretiosissimo initium  
sumimus, quo hoc in Gazophylacio, & copiosa,  
& elegans est supellex, præ cæteris tamen me-  
moranda videntur. Primo statua aurea Impe-  
ratoris Turcici equo insidentis, binis stipati fa-  
mulis, staturæ notabilis. Secundo aurea Ru-  
dolphi II. Romanorum Imperatoris Campanu-  
la. Tertio Catena aurea oblonga, lataque di-  
versas Austriacorum Archiducum effigies ad  
modernum usque Augustissimum Romanorum  
Imperatorem Leopoldum Achati incisas refe-  
rens.

rens. Quartò pelvis aurea cum Malluvio aureo à Carinthiæ Ducatu dono oblata , è qua Neo-Nati Austriæ Archi-Duces Baptismali undâ lustrantur. Quintò Horologium aureum Crystallo pellucidâ obductum , quod pretio æquari nequit. Sextò Corona Domestica Imperatoria adamantibus, Saphyris, gemmisque majoribus distincta, cum Sceptro ex unicornu elaborato, in cujus supremitate saphyrus, ovi adæquans magnitudinem, visitur: pomum item Imperiale gemmis prægrandibus pretiosum, quæ tria septingentis Imperialium millibus Rudolphus secundus Pragæ fieri fecit. Alia item Corona Imperialis cum cruce, adamantibus, Saphyris, gemmisque pretiosa, pariformis illi, quæ Norinbergæ asservatur, hac Ferdinandus III. primus coronatus est. Septimò Corona Regni Bohemiæ cum sceptro, & pomo. Octavò alia Corona Regalis à Turcarum Imperatore perduelli cuidam transmissa, & superiori bello Turcico ab eodem in prælio obtenta. Nonò Fritillus aureus suis cum calculis, lapidibus pretiosis distinctis. 10. Latrunculorum lusus ex auro obryzo librarum 27. 11. Chartifoliorum lusus ex auro musivo cum aureo numismate, viginti duorum millium ducatorum. 12. Racemus aureus in Tokayensibus superioris Hungariae vineis repertus. 13. Lamina aurea prægrandis arte chymica è metallo; alia item auri massa è plumbo transformata. 14. Pocula aurea multiformia, è quibus aliqua movente

semine raro artificio in mensis suisque déque  
gyrantur. Postremum variæ pelves aureæ, &  
si quæ alia hujus generis supellex.

Ab aureo ad argenteum deflectimus appa-  
tatum, de quo id unum in Gazophylacio hoc  
dixisse sufficiat, eum Cæsare dignum, & tantæ  
non imparem esse Majestati, pauca idcirco adfe-  
ram, eaque cæteris digniora. 1. Navis argen-  
tea inaurata interno rotularum motu suis cum  
vectoribus progrediens. 2. Globus Cœlestis.  
3. Bacchus curru vectus hirco insidens. 4. Stro-  
phium argenteum labore Indico subtilissimis  
incisuris cælatum. 5. Bini contexti ex argen-  
to calathi, quibus præstat paris operis quadrata  
sportula, ab Augustissima Imperatrice defuncta  
ex Hispaniis adducta, structuræ tam elegantis,  
ut ars sola septem coronatorum argenteorum  
millia mereatur. 6. Caroli audacis ultimi Bur-  
gundiæ Ducis statua argentea genu innixa, alia  
item Philippi pulchri Hispaniarum Regis statua  
argentea vivi staturam æquans. 7. Fritillus  
argenteus; taceo horologia artis exquisitissi-  
mæ, eaque multifaria, lances, scyphos, phiales,  
pocula, aliūmque copiosissimum è metallo tam  
precioso apparatum,

Unionum, Margaritarum, gemmarumque  
tantus hic decor est, & pretium, ut quidquid  
natura ex his Orbi pretiosum protulit, huc in-  
tulisse videatur. Visitur hic præ cæteris Acha-  
tes candidus, cui ternæ Romanorum Cæsarum  
effigies incisæ. 2. Onyx, cui insculpta Alexan-  
dri

dri Magni effigies, duodenis imperialium millibus æstimatus. 3. Caput ex Achate cælatum quod è Sinis ad nos translatum millionum aliquot pretium ibidem habuisse dicitur. 4. Phiala ex Achate & Jaspite miro naturæ födere adunatis. 5. Alia ex Onyche phiala ampla, & capax auro vëstita. 6. Malluviolum Achatinum à Leopoldo Cæsare decem imperialium millibus coëmptum. 7. Phiala Amethystina. 8. Phialæ binæ, unâque capacior è granato orientali cælata. 9. Amphora vasta, cum phiala ex sardonyche. 10. Lapis Lazari. 11. Major phiala è lapide Neghritico. 12. Serenissimorum Austrïæ Archiducum Insignia cum Aquila Imperiali è lapidibus pretiosis vivis coloribus efformata. 13. Concha manus magnitudinem explens, exterius Achatina, interius Amethystina. 14. Poculum prægrande è Topazio Bohemico. 15. Phiala ex Adamante Hungarico ovi anserini magnitudinem æquans. 16. Scyphus è Topazio orientali floribus è margaritis diversis distinctus. 17. Latrunculorum lusus è lapidibus pretiosis thecæ argenteæ inclusus. 18. Varia è Crystallo pocula, phialæ, lances, statuæ, naves, quæ inter eminet Scyphus Crystallinus capax in conum assurgens ulnarum duarum altitudine, ab Hieronymo de Miseron elaboratus, in ternas fistulas, è quibus quælibet poculum exhibet; hic scyphus convolvitur, una tamen, & indivisa ex materia efformatus, viginti Imperialium millibus æstimatur. 19.

Hydria Crystallina ab Augustissima Imperatrici  
ce ex Hispaniis allata. 20. Adamas Orientalis  
quadratus Oeniponto allatus viginti Imperialium  
millium valore pretiosus. 21. Alius prior  
re major Adamas, gemmis, pyropis, auroque  
vestitus. 22. Adamas Bohemicus magnitudo  
ne nucis regiae majoris, formam habens Ori-  
entalis illius Adamantis celeberrimi, qui Floren-  
tinæ asservatur, Augustissimæ Imperatrici ex  
Hispaniis oblatus. 23. Gemma nucis myrrhi-  
sticæ magnitudine sexaginta imperialium mil-  
libus æstimata. 24. Ornatus ex Adamantibus  
in frondes speciosissimas elaboratus, centum  
imperialium millibus æquiparandus. 25. Scu-  
tum pavonem è Smaragdis exhibens. 26. Flo-  
res varii è pyropis, adamantibusque confecti.  
27. Pyropi aliquot in quadrum concisi imperialis  
magnitudine. 28. Patina achatina, cui non  
artis sed naturæ solertiæ inscriptum legitur *Bea-  
to Christo*. 29. Langenula è Smaragdo Ori-  
entali basi triplici innixa nullo pretio satis æquan-  
da; par huic cimelium apud Monarcharum  
Orbis neminem reperi dicitur, magnitudinem  
Smaragdi hujus commemorat Lambecius in  
Bibliotheca Augusti Cæsar. Paris magnitu-  
dinis bini alii pretiosi Iapides hic asservantur,  
quibus quadraginta Imperialium millium pre-  
mium sibi vendicat. 30. Urceus è Chrysolito,  
auro vestitus. 31. Frameæ Turcicæ, aliisque  
arma, ephippia, equorumque ornatus copiosus  
adamantibus, auro, gemmisque distinctus. 32.

Fri-

Fritillus corallinus. 33. Latrunculorum Iu-  
sus è Coraliis Turcicis. 34. Cista mundo mu-  
liebri pretioso, Turcicisque muneribus referta.  
35. Topazius prægrandis. 36. Tabula pretio-  
sa adamantibus, gemmis, floribúsque distincta  
ab Augustissima Imperatrice vidua elaborata.  
37. Bezoar Occidentale, & Orientale. 38. Ma-  
gnes miræ molis anchoram prægrandem su-  
st. nens. 39. Hyacinthus Austriacorum insi-  
gne cum majori littera L. non arte, sed naturâ  
Magistrâ referens. 40. Linea Margaritharum,  
quarum quælibet avellanæ nucis magnitudi-  
nem adæquat.

Ad ea nunc quæ exquisita magis artificum  
elaboravit industria, devenimus, quæ cùm ferè  
sint innumera, digniora subnectimus. 1. Varia,  
miræque artis è succino, ebore, cornu Rhinocer-  
otis, unicornu opere Toreutico eleborata hìc  
visuntur pocula, Scyphi, lances, & si quæ alia  
hujus generis est supellex. 2. Triremis ampla  
eburnea omni apparatu navalí instructa. 3.  
Cantharus eburneus, cui Paradisus Orbis cum  
animantibus omnibus insculptus. Accedunt  
his Cantharus minor eburneus ab Augustissi-  
mo nostro Imperante, & major alter à Glorio-  
sissimæ memoriæ Ferdinando III., tertius item  
à Serenissimo Archiduce Sigismundo Oenipon-  
tano rarâ dexteritate torno elaborati. 4. Sphæ-  
ra præcelsa uno è continuo efformata cum ico-  
ne minuta, cui alia superinducta visitur. 5. Py-  
xidula rotunda cui ab Alberto Dürer omnium

artium peritissimo artifice tam affabré incisa  
Salvatoris mundi Nativitas, ut triginta imperia-  
lium millium pretio æquiparetur. 6. Tabella  
Divorum Innocentum cædem cælato opere ex-  
pressam referens. 7. Justiniani Imperatoris  
effigies in Concha expressa imperialium  
5. millium. 8. Horologium insidente  
Baccho in formam dolii figuratum, alterum  
item in equum efformatum, inequitante sua  
cum pharetra Cupidine, tertium in globum cir-  
cinatum, quartum testudinis, quintum cancri  
figuram imitatur, utrumque interno rotarum  
motu lento passu progrediens. 9. Mensulæ  
scriptoriæ multimodæ variis exquisitissimorum  
artificum cælaturis exornatæ. 10. Maximi-  
liani Imperatoris dimidiata statura lignea argen-  
teo inclusa loculo ad manus altitudinem assur-  
gens, cuius anterius capillitum Augustissimæ  
consortis suæ capillos exhibit. 11. Draco in-  
gens rotis quatuor vectus. 12. Horologium  
in cruce Crystallina elaboratum. 13. Impe-  
ratoris Justiniani equo insidentis statua ex ære  
fusa. 14. Juditha Holofernem obtruncans,  
Chirurgus item cauterium inurens, pugna tota  
ad S. Gotthardum opere ceroplastico vivis li-  
neamentis efformata. 15. Basiliscus incorrup-  
tus vitro inclusus. 16. Culter spitamalis à Bo-  
hemio Rustico 1602. Pragæ in potu absorptus,  
tandem post novem mensium intervallum la-  
teri Rustici excisus, Rustico per annos aliquot  
superstite. 17. Cornu quod Sanctorum trium

Re-

Regum fuisse creditur. 18. Colobium Gustavi Adolphi Suecorum Regis. 19. Binæ serpentinæ exuviae urnarum ferè 30. eorum alter Mauros 5. cum cane, alter Mauros ternos absorbusse dicitur. Mittimus cætera, & à profanis ad sacra paramus abitum, quæ in tanta etiam habentur abundantia, ut finem non faceremus, si vel leviter singula attingeremus, unde aliqua delibare solùm contenti erimus.

Atque ut ab iis, quæ cœli, terræque pretium Salvator noster vel sanguine, vel attractu suo pretiosa effecit, ducamus initium, videtur hic Clavus ferreus, qui dextram Salvatoris Crucis affixit. 2. Altariolum ab externo etiam sumptu, & pretio non æstimabile, unionibus, Margarithis, Rubinis, & adamantibus ad omnem Majestatem exculum, asservantur in hoc sanguineæ Redemptoris nostri guttæ, pili ex veneranda ejusdem Barba, Spinæ, & Lanceæ, Columnæ, flagellorumque, quibus cruciatus fuit, fragmenta. 3. Magnæ tres Crucis sanctæ particulæ, uti & una de Purpura, altera de sindone cui erat involutus.

Præter has nullo comparandas pretio reliquias aliorum Sanctorum habentur in Thesauro hoc sacro quam plurimæ, has tamen inter memorandas duxi sequentes. 1. Aliquot integra Sanctorum Corpora. 2. Particulas sacras ex SS. Apostolorum corporibus, quæ in cuiusvis propria statua ex argento justâ staturâ elaborata asservantur inclusæ. 3. Os brachiale

le Innocentii XI. 4. Lapis quidam, quo S. Proto-Martyr Stephanus fuit lapidatus. Alias Sanctorum reliquias, quæ copiosissimæ sunt, & auro, argento, gemmísque pretiosis coruscant, non adfero : ternas illas Crucifixi Salvatoris statuas tacere non possum, quæ partim naturæ, partim gratiæ in se continent miracula, eaque Orbi ostentant. Primam in brassica quapiam membris omnibus, capillis, barbâ, &c. & corporis totius Symetriâ absolutam natura protulit, alteram in floris cujusdam caudice tam aptè, & eleganter efformavit, ut vivere potius, ac ab artis peritissimo Magistro elaborata crederetur. Tertia illa est Salvatoris in ligno expressa Crucifixi effigies, quæ Ferdinandum II. orantem, ac contra hostes auxilium implorantem his verbis consolata, & allocuta est : *Ferdinande non te deseram.*

Sculpta hic quoque aſſervatur Beatissimæ Virginis statua, quam Æthiops infidelis nescius quid operis perficiat, tam artificiosè elaboravit, ut ad artem, & perfectionem nihil in ea desiderari queat ulteriùs.

Reperiuntur etiam hoc in theſauro bini raro prodigo in saxum transformati panis libones, quos fœmina quædam neglecto divino Oficio, ipso festo S. Annæ die pinsere attentavit.

Referuntur ad ſacram hanc Gazam infinita propemodùm auro, argento, unionibus, gemmis, lapidibúsque pretiosis inſculpta, formata, aut exornata Altariola, Candelabra, Lampades,

des, Calices, Ciboria, Monstrantiæ, Urceoli, aliique Templorum, & Ecclesiarum ornatus, quæ vel sola enumerata librum implerent, unde his in præsentiarum supersedendum rati ad binos alios memoriâ dignos sacrarum rerum thesauros brevissimè rememorandos transgredimur.

Unus est ille, qui à Matthia Romanorum Imperatore, & Anna Augustissima illius Conjuge R.R. PP. Ordinis S. Francisci in novo foro est concreditus, asservatur hic in quodam decente penè Templum majus loco, & non nisi ob reverentiam Reliquiarum accensis luminaribus à linteato sacerdote ostenditur: divisus est in cistas varias, eásque capaces, ac à pretio suo, si extrinsecam solum spectes æstimationem, non satis æstimandus: Reliquiæ suis thecis, aut pretiosissimis gemmis, unionibusque distinctis involucris impositæ, ac pientissimæ Imperatricis proprio labore, industriâ, & manibus decoratae. Præter alia Spinas ex Corona Salvatoris aliquot, ex ejusdem sanguine, &c. quæ in pretiosis ex Jaspite altariolis asservantur, integra Sanctorum Capita, ossa majora, digitos argenteis, aut Crystallinis inclusa capsulis labore, & Margaritis ab eadem Sanctissima Imperatrice exornatis ostendunt. Candelabra item 6. ex Jaspite altitudinis eximiæ, Monstrantias, Calices, &c. auro, argentóque insignes quam plurimos, asservatur etiam hic rosarium granis centenis aliquot copiosum, uti & flagrum quod-

quoddam, quo in corpus suum præfata Imperatrix desæviebat: horæ aliquot in solo spectando hoc thelauro sunt consumendæ.

Alter Celsissimi & Reverendissimi est Episcopi Viennensis è Comitibus de Harrach, quem in Sacello domestico Domus in Preineriana platea sitæ summâ veneratione, & cultu assertat: est in hoc quidquid vel de Christi Domini, Matrisque ejus Sanctissimæ, vel Apostolorum, Innocentium Infantum, aut aliorum Sanctorum reliquiis potest desiderari: Thesaurus ob id magis pretiosus, quo certius constat eum & genuinum esse, & miraculo non vulgari comprobatum: nam cum à Serenissimo Saxonie Duce (ab illo enim tam exquisitum munus hanc in Familiam provenit) quibusdam Lutheranis Prædicantibus, ut reliquias hasce arcis concluderent, cura committeretur, dolo quopiam, an astu particulam quandam Lutheri ex Caligis resectam, ac specialem in capsulam compactam, sacris reliquiis adjunixerunt, quam unà cum reliquis Ducis sigillo munitam Viennam seculo itinere transmiserunt. Portatur interim ad Sacellum arca, eumque exhalat fœtorem, qui omnium nares obstrueret, ac totum Sacellum fœdè occuparet, neque evanuit fœtor iste, donec Episcopus ipse cum Clero apertâ arcâ fraudem deprehenderet, & capsulam, cui inscriptum erat: *Ex Caligis D. Martini Lutheri*, unà cum inclusis quisquiliis combureret, quo facto,

& fos-

& fœtor evanuit, & fragrantissimus odor sacris  
ex reliquiis emanans Sacellum totum implevit.

In omnibus propè Ecclesiis præcipue ve-  
rò Cathedrali exquisitum tam quoad pretiosas  
reliquias, quām ornatum, ac vasa aurea, argen-  
teaque thesaurum reperies, quo & Divinus cul-  
tus illustrior, & animi intuentum ad Divinam  
honorandam Majestatem reddantur promptio-  
res, verūm, quia vel ex solo Augustissimi Cæ-  
sarisi, binisque præfatis sufficenter Viennensis  
Urbis tam sacræ, quām profanæ divitiæ, & orta  
exinde gloria abundè constat, ad alia quæ titu-  
lo huic annecti possunt transimus.

Inter hæc primo loco memorandum venit  
Technophylacium Aulicum, quod in ipsa Aula  
videri potest, exquisitis picturis potissimum, —  
aliisque tam auro, quām argento, ebore, lapidi-  
büsque pretiosis rebus celeberrimum, ut vel  
hoc unicum in thesauri nobilissimi vicem subi-  
re, & computari posse videatur. Varia hic mul-  
timodis clarissimorum Pictorum, aliorūmque  
Artificum raris prodigiis referta, eaque amplissi-  
ma longâ serie objiciuntur hypocausta, in qui-  
bus quidquid vel aspectu jucundum, vel arte  
mirandum, vel pretio est summum, magnâ vo-  
luptate oculorum aspicitur, hic tam sacræ, quām  
profanæ imagines à variis aulis ad nostram  
hanc transmissæ, quarum levissimæ aliquot mil-  
lium imperialium pretium transcendunt, pluri-  
mæ etiam 30. 40. 50. & plura millia superant:  
tanta aliæ arte, tali penicillo elaboratae, ut præ-  
ter

ter vocem ad vitam nihil aliud desideres, aliud nihil exposcas. Præter imagines, & picturas rarissimas spectandi proponuntur Idola auro, lapidibusque pretiosis expressa, & cultum, habitumque eorum, quæ ab idololatris diversis in mundi partibus, remotisque terris adorantur, multa item numismata aurea, Cæsarum Romanorum effigies auro, aliisque sumptuoso metallo, aut gemmis cælatæ: Urbes etiam, & munimenta, quæ vera exprimunt aliorum Regnum Præsidia, quarum quædam Augustis manibus, & labore ad vivum sunt elaboratae. Verbo nihil, quantumvis innumera ibi reperies, et, quod suam non mereatur laudem, suam sibi non vendicet æstimationem.

Ad aliud conservatorium amplissimum à Technophylacio, cui ab Ephippiis nomen est impositum, te duco: Videbis hic arte mirâ, majoribus sumptibus, & ingenti pretio, ac ad Cæsaream exornata pompam Ephippia, lora, stapedes, phaleras, aliumque tam equestrem, quam currulem apparatus, quem vel diversi Imperiorum, & Regnum Monarchæ ad luxum potius, & splendorem, quam usum ordinarium excultum nostram in Aulam dignum Cæsare munus ablegârunt, vel ad pompam, & Majestatem Augustissimi Imperatores fieri curârunt: jacet hic, & nullus suo est argento, aut auro honos, omnia gemmis rutilant, omnia pyropis coruscant, & vel ipsam stellarum ad inviam noctem illuminant dispuncti loris, ephip-

piis, & stapedibus adamantes, ut vel hoc dixisse  
sufficiat, inestimabilem his unis inesse valorem,  
ac pretio premium, quod tempore Salomonis  
fuisse legimus, obrutum fuisse, ac viluisse.

A loco isto Vastam ingredimur Aulæ Cameram, ubi varia aservantur peristromata, quibus ars tanta, tantusque valor; ut sola hæc communis lensu eorum, qui ea coram & viderunt, & stupuerunt, Regni alicujus integri premium suo pretio adæquent: alia acu picta historias integras, pugnas, bestias, similiave alia vivis coloribus exhibent, alia filis aureis, argenteis, gemmisque superba oculos intuentium perstrinquent, alia ex holoserico fimbriis aureis locupletata pompam, & Majestatem exhibent non vulgarem.

Taceo alia, eaque quam rarissima, & quam plurima Aulæ Cæsareæ, & vel ideo Urbis Viennensis decora: certum esto, eam esse his in Thesauris Viennæ gloriam, cum qua nulla per Orbe Civitas, nullæ exterorum Principum opulentiaz valeant comparari.



G

TITU-